



**FALBO**  
News

## Fiar A'an La'o Ba Qin

# Monumentu Prezidente Nicolao Lobato Atinze ona 50%

Dili-Guvernulu husi Ajensia de Dezenvolvimentu Nasional (ADN) fo toma responsabilidade hodi hari Monumentu Prezidente Nicolao Lobato iha Comoro.



Sesta dia 9 de Novembru, Media ho ekipa ADN ba hare servisu fiziku agora lao oinsa!

.Servisu refere komesa iha Fulan Agustu tinan kotuk no tuir planu sei remata iha fulan Febereiro 2013.

Mandador Kompañia Nananio Sr. Ashery informa ba Media ADN iha fatin Servisu (Comoro) katak,

servisu fiziku agora atinze ona 50%, total trabaliador nebe servisu halo Monumentu ne'e hamutuk ema nain 29 pessoas, trabaliador local ema nain 9 inklui trabaliador husi Indonesia nain 20.

Nia hatutan katak durante sira halo servisu ne'e la hasoru difikulidade, maibe material Structure mak mai tarde tamba material hirak ne'e haruka mai husi Indonesia.

"Tuir lolos servisu ne'e tama ona 70% como material structure nebe uza iha ne'e haruka mai husi Indonesia, tamba ne'e mak servisu ne'e lao tarde Maibe ami sei esforsu maka'as nune'e servisu ne'e hotu iha tempu nebe determina ona" katak Sr. Ashery.

Iha Biban ne'e Media koko husu Statua Prezidente Nicolao Lobato, maibe Mandador ne'e lakohi fo komentariu, tamba nia parte ladun hatene konaba Statua ne'e.

Iha fatin hanesan trabaliador local Sr Lamberto Barreto informa katak, durante sira servisu halo Monumentu ne'e, laiha komplikasaun entre trabaliador local ho trabaliador husi Indonezia, Nia parte sente orgoilhu servisu hamutuk ho trabaliador sira husi rai liur, tamba iha oportunidade ne'e nia bele aprende saida mak nia seidauk hatene.

Komesa husi inisiu servisu ne'e halao, trabaliador lokal ho trabaliador mai husi rai liur servisu diak tebes, laiha komplikasaun ida mosu entre ami ho sira, nomos ami bele aprende buat foun ruma husi sira konaba saida mak ami seidauk hatene" dehan Sr. Lamberto

*\*Deolindo Pimental-Media AND \*\**